



UPA 2017/142
Nuuk, 20.04.2017
Bendt B. Kristiansen

**Inatsisartut ataatsimiittarfissaannik, allaffissornikkut sullissiviit ilann-
gullugit,
nutaamik sananissamik 2013-imi novembarimi tungaviusumik isum-
mernerup
Inatsisartunit ilalernerqarnissaanik Inatsisartut aalajangiiffigisassa-
tut siunnersuut.**
(Suleriaatsimut ataatsimiititaliaq)

Inatsisartut inatsisartoqarfimmilu sulisuusut atugarisaasa ullutsinni atugas-
sarisaasunut naapertuuttumik atugassaqartinneqartariaqarnerat Inuit Ata-
qatigiit pingaartipparput, taamaattorli pingaartipparput pilersaarutip siunissami
ingerlatsinikkut aningaasartuutigiumaasassai ullumikkut ingerlatsinermi anin-
gaasartuutaasunit annerussanngittut.

Inuit Ataqatigiinnit Inatsisartut ataatsimiittarfissaannik nutaamik sananissaq
aalajangiiffigitinnagu qulaajagassat ukuusut piumasaraagut:

- Maannakkumit ukiut tallimat kingumut qiviarluni Inatsisartut ataatsimiit-
tarfianni inatsisartoqarfimmilu ingerlatsinikkut aningaasartuutit naligin-
naasut (reparation og vedligeholdelse) takussutissiorneqassasut
- Inatsisartut ataatsimiittarfianni inatsisartoqarfimmilu aserfallassimassut-
sikkut, oqoqarneranit PCB-qarneranillu kinguneqartumik anin-
gaasartutigineqartartut annaasaqaatigineqartartullu qanoq amerlatigine-
rat takussutissiorneqassasut
- Maannakkut allaffeqarfinni aserfallassimassutsit, oqoqarneranik PCB-
qarneranillu ajornartorsiutit tamakkiisusmik iluarsartuussinikkut suliar-
neqassangaluarpata missingiut takussutissiorneqassasoq

Saqqummiunneqarnera naapertorlugu Kommunit Namminersorlutillu Oqartus-
sat missingersuutaat naatsorsuutaallu pillugit Inatsisartut Inatsisaat nr. 26, 28.
November 2016-meersoq naapertorlugu pilersaarut ingerlanneqassasoq naats-
orsuutigaarput. Maannakkullu piginnaatitsissut tunniunneqartoq tassaassooq
Inatsisartut ataatsimiittarfissaannik, allaffissornikkut sullissiviit ilann-
gullugit, pilersaarusioreq, takussutissiisussa qanoq akeqarsinnaanera-
nik, kingorna Inatsisartut sanillersuussisinnaaleqqullugit nutaamik sananeq
imaluunniit avatagiisit pioreersut aallaavigalugit nutarterineq akikinnerunersoq.

Periarfissatut takorusupparput maanna ataatsimiittarfiup avannamut naanera-
tigut allilerineq, avataanit tusarnaarianut, pitsorluttunut, tusagassiortunut il.il.,

inatsisartoqarfimmilu sulisunut ullumikkornit naammaginarnerusumik atugas-
saqartitsisoq pilersissinnaaneripput, tamatuma saniatigut Inatsisartut allaf-
feqarfiat, partigang-it, sulisut avatagiisaat tamakkiisumik nutarteriffigi-
neqarsinnaanerat ilanngullugu.

Siullermeerneqarnerani saqummiussami aningaasaleeriaaseq BOT-mik taa-
neqartoq (Build, Operate and Transfer – Sanaartoriarlugu, Ingerlateriarlugu
Tunniullugu) nunata aningaasaqarneranut sanillersuullugu oqinnerpaatut isi-
gaarput sulilu periarfissatut tulluarnepaatut isigalugu innersuupparput.